

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA

**Komisija za izbor i imenovanja**

Broj: 02/6-02-729/25  
Sarajevo, 20.3.2025. godine

**DOMU NARODA  
PARLAMENTA FEDERACIJE  
BOSNE I HERCEGOVINE**

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno: 20-03-2025			
Org. jed.	Broj	Priloga	Vrijednost

Komisija za izbor i imenovanja Doma naroda Parlamenta Federacije Bosne i Hercegovine, na 9. sjednici, održanoj 20. marta 2025. godine, razmatrala je:

- 1. Prijedlog odluke o izmjenama Odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine**
- 2. Prijedlog odluke o izmjenama Odluke o imenovanju članova Vijeća nacionalnih manjina Federacije Bosne i Hercegovine**

Na osnovu člana 51., a u vezi sa članom 60. Poslovnika o radu Doma naroda Parlamenta Federacije Bosne i Hercegovine, Komisija za izbor i imenovanja podnosi Domu naroda sljedeći

### IZVJEŠTAJ

- 1. Prijedlog odluke o izmjenama Odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine**

Klub delegata bošnjačkog naroda u Domu naroda Parlamenta Federacije BiH uputio je Komisiji za izbor i imenovanja prijedlog broj: 02/d-02-452/25 od 10.2.2025. godine kojim traži da se u Komisiju za izbor i imenovanja Doma naroda i Zajedničku radnu grupu komisija za izbor i imenovanja oba doma Parlamenta Federacije BiH imenuje **Haris Zahiragić** umjesto Mirnesa Bašića, koji je ranije podnio ostavku na tu dužnost.

Klub delegata hrvatskog naroda u Domu naroda Parlamenta Federacije BiH uputio je Komisiji za izbor i imenovanja prijedlog u radna tijela Doma naroda, broj: 02/6-02-731/25 od 20.3.2025. godine, kojim traže da se u Komisiju za ljudska prava i slobode Doma naroda Parlamenta Federacije BiH i Odbor za pravdu, opću upravu i lokalnu samoupravu Doma naroda Parlamenta Federacije BiH imenuje **Ivana Buntić-Jovanović** umjesto Ive Raguz, kojoj je prestao mandat u Domu naroda Parlamenta Federacije BiH.

Na osnovu naprijed pomenutih prijedloga, Komisija za izbor i imenovanja konstatirala je da su prijedlozi podneseni od strane ovlaštenih predlagača u skladu sa Poslovníkom o radu Doma naroda, te sačinila Prijedlog odluke o izmjenama Odluke o izboru predsjednika, zamjenika

predsjednika i članova radnih tijela Doma naroda Parlamenta Federacije Bosne i Hercegovine, i predlaže Domu naroda da donese naprijed pomenutu Odluku.

## 2. Prijedlog odluke o izmjenama Odluke o imenovanju članova Vijeća nacionalnih manjina Federacije Bosne i Hercegovine

Predsjedavajuća Vijeća nacionalnih manjina Federacije BiH je pokrenula proceduru zamjene četiri člana Vijeća nacionalnih manjina, za koju je u skladu sa članom 5. Statuta Vijeća nacionalnih manjina Federacije BiH nadležan Parlament Federacije BiH, odnosno Komisije za zaštitu ljudskih prava i sloboda oba doma Parlamenta Federacije BiH.

Vijeće nacionalnih manjina Federacije BiH na svojoj 29. sjednici održanoj 30.10.2024. godine, razmatralo je i jednoglasno podržalo zahtjev koji je dostavljen od strane udruženja Centar za podršku Roma "Romalen" iz Kaknja, kojim se traži da se izvrši zamjena predstavnika i imenuje novi član **Junuz Husić** umjesto Edina Sejdića.

Vijeće nacionalnih manjina Federacije BiH razmatralo je i jednoglasno podržalo zahtjev koji je dostavljen od strane Skupštine saveza Turaka u BiH kojim traže da se umjesto Nermina Geca imenuje članica **Šejla Geca**.

Također je razmatran i zahtjev dostavljen od strane predstavnika ruske i ukrajinske nacionalne manjine kojim se traži da se u Vijeće nacionalnih manjina Federacije BiH imenuju članovi: **Nikola Vuković** - predstavnik ruske nacionalne manjine i **Nataliia Viktorivna Baranac** - predstavnica ukrajinske nacionalne manjine.

Komisija za ljudska prava i slobode Doma naroda je na svojoj 9. sjednici održanoj 30.1.2025. godine razmatrala navedeni prijedlog, te isti uputila Komisiji za izbor i imenovanja Doma naroda Parlamenta Federacije BiH na daljnje postupanje.

Komisija za izbor i imenovanja je razmatrala ove prijedloge i sačinila Prijedlog odluke o izmjenama Odluke o imenovanju članova Vijeća nacionalnih manjina Federacije BiH, te predlaže Domu naroda da donese ovu Odluku i imenuje naprijed pomenute članove.

Prilozi:

- Prijedlog odluke o izmjenama Odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine
- Prijedlog odluke o izmjenama Odluke o osnivanju i imenovanju članova Vijeća nacionalnih manjina Federacije Bosne i Hercegovine

